

31 JUL 1999

LEBUH RAYA PANTAI TIMUR BANTU PERTUMBUHAN EKONOMI KELANTAN

KOTA BAHARU, 31 Julai (Bernama) -- Pertumbuhan ekonomi negeri Kelantan akan berkembang dengan pesat apabila Lebuhraya Pantai Timur yang menghubungkan Pahang, Terengganu dan Kelantan siap dibina kelak, kata Timbalan Menteri di Jabatan Perdana Menteri, Datuk Paduka Ibrahim Ali.

Beliau berkata, lebuhraya itu akan memberi banyak kemudahan termasuk memendekkan tempoh perjalanan dari negeri pantai barat ke Kelantan.

"Kemudahan jalan perhubungan itu akan menjadi faktor penarik kepada pelabur untuk melabur di Kelantan," katanya di sini, hari ini.

Semalam, Perdana Menteri Datuk Seri Dr Mahathir Mohamad berkata lebuhraya itu akan dibina secepat mungkin dan kerajaan akan membantu konsortium projek itu untuk mendapatkan pinjaman mudah bagi mengurangkan beban yang terpaksa ditanggung akibat jumlah pengguna yang kurang.

Ibrahim berkata, pembinaan lebuhraya itu pastinya membantu meningkatkan taraf hidup rakyat negeri ini khususnya melalui pembangunan ekonomi.

-- BERNAMA

MNR AKD